

**REGULERINGSFØRESEGNER FOR
DETALJREGULERING FOR KJØLVIKSTØLEN HYTTEFELT
PÅ DEL AV GNR 116 BNR 1, m.fl.**

§1 REGULERINGSFØREMÅL

Arealet innanfor plangrensa er regulert til følgjande føremål:

Område for bygningar og anlegg PBL § 12-5, nr. 1

- Fritidsbusetnad – frittliggjande (1121)
- Andre kommunaltekniske anlegg (1560)
- Småbåtanlegg i sjø og vassdrag med tilhøyrande strandsone (1588)

Samferdselsanlegg og teknisk infrastruktur PBL § 12-5, nr. 2

- Veg (2010)
- Gangveg (2016)

Grønstruktur PBL § 12-5, nr.3

- Friområde (3040)

Landbruks-, natur- og friluftsformål PBL § 12-5, nr. 5

- LNFR (5100)

Bruk og vern av sjø og vassdrag med tilhørende strandsone PBL § 12-5 nr. 6

- Bruk og vern av sjø og vassdrag med tilhørende strandsone (6001)
- Badeområde (6770)

§ 2 GENERELT

2.1 Krav til søknad

Ved søknad om tiltak skal det så langt det passar søknadstypen leverast:

- Situasjonsplan i målestokk 1:200 eller 1:500 med nøyaktig plassering og storlek for bygningar.
- Dokumentasjon av terrengtilpassing. Terrengsnitt i same målestokk som situasjonsplan som syner eksisterende og planlagd terren.

Kommunen kan krevje supplerande dokumentasjon som fargelagde perspektivteikningar, fotomontasjar og liknande dersom det er naudsynt for vurdering av dei estetiske verknadane av tiltaket.

2.4 Vegetasjon

Ved tilplanting av utbyggingsareal skal det ikke nyttast giftige planter og heller ikke framande arter som finnes på den norske svartelista.

2.5 Kulturminne

Dersom det i samband med gravearbeid kjem fram funn eller konstruksjonar som kan ha kulturhistorisk verdi, må arbeidet straks stansast og fylkeskonservator få melding for nærmere gransking på staden, jf. kulturminnelova § 8.2, 2. ledd.

§ 3 BYGNINGAR OG ANLEGG

3.1 Felles for bygningar og anlegg

- 3.1.1 Bygningane skal plasserast skånsamt i terrenget og ha god landskapstilpassing. Utgraving, sprenging og planering skal avgrensast til det absolutt naudsynte for bygningsmessig tilfredsstillande løysingar. På fasade og snitt-teikningar skal bygget si plassering i høve til eksisterande og nytt terreng synast.
- 3.1.2 Det skal dokumenterast tilkomst, parkeringsdekning, tilkopling til VA anlegg og tilfredsstillande renovasjonsløysing i samband med byggesøknad.

3.2 Fritidsbustadar

- 3.2.1 Innanfor føremålet kan det førast opp fritidsbustad med maks BRA 120 m². Takvinkel kan vere mellom 20 og 35 grader.
Grunnmur skal ikke vere høgare enn 1 meter, og maks høgd frå topp grunnmur til gesims er 3 meter.

- 3.2.2 Hyttene skal knytast til offentleg renovasjon.

- 3.2.3 Det er ikke tillate å setje opp gjerde rundt hyttetomtene.

3.3 Andre kommunaltekniske anlegg

Arealet omfattar høgdebasseng for vassforsyning.

3.4 Småbåtanlegg i sjø og vassdrag med tilhøyrande strandsone

Innanfor føremålet kan det etablerast inntil 17 båtplassar i form av utriggarar frå landfast brygge av tre og stål. Det er ikke tillate å ta i land eller sjøsetje båt ved båtanlegget. Fylling i sjø er ikke tillate.

§ 4 SAMFERDSELSANLEGG OG TEKNISK INFRASTRUKTUR

4.1 Veg

- 4.1.1 Plassering og breidde på vegar er synt i plankartet. Grøfter og mindre justering av veg for tilpassing til terren og kurvatur kan leggast til tilgrensande føremål.
- 4.1.2 Avkjørsle ved idrettsanlegg må opparbeidast i samsvar med Statens vegevesen si handbok N100 før det vert sett i gong tiltak i planområdet. Godkjend teknisk plan må ligge til grunn.
- 4.1.3 Innanfor frisiktsona, skal det ikke vere element høgare enn 0,5m som hindrar fri sikt.
- 4.1.4 Gangveg/gangareal er avsett med to meter breidde grusa veg for gående. Det tillatast køyring med ATV.

§6 LANDBRUKS-, NATUR OG FRILUFTSOMRÅDE

6.1 LNF

Områder avsett til LNF kan nyttas som landbruksområde, beiteareal og friluftsområde. Enkel vegetasjonsfjerning for utsikt etter tilrettelegging for leik og opphold er tillate i samråd med grunneigar.

§7 BRUK OG VERN AV SJØ OG VASSDRAG, MED TILHØYRANDE STRANDSONE

7.1 Bruk og vern av sjø og vassdrag med tilhøyrande strandsone

- 7.1.1 Det kan ikke setjast i verk tiltak innanfor føremålet som hindrar ålmenta si frie bruk av området. Gjerde, levegg eller anna type stengsel er ikke tillat.
- 7.1.2 Området skal ha ei estetisk god opparbeiding. For synlege konstruksjonar skal så langt som mogleg tre og naturstein brukast som byggemateriale.
- 7.1.3 Landfaste brygger skal tilpassast terrenget med minimale skjeringar. Største tillate breidde for brygge langs med land er 2m og største tillate lengde på kvar side av vika er 40 m

7.2 Badeområde

Innanfor føremålet kan det leggast til rette for allment tilgjengeleg badeplass. Det kan ikke etablerast tiltak eller innretningar som er til hinder for ålmenta si tilkomst og bruk av området.

§ 8 REKKEFØLGJEKRAV

Før den enkelte fritidsbustad kan takast i bruk skal veg fram til tomta er ferdig opparbeidd og avkjørsle mot fylkesveg skal vere opparbeidd og godkjend etter Statens vegvesen si handbok N100.

Norconsult AS 08.07.17